

漢州志卷三十四

元

代祀西獄至成都作

虞集道園

我到成都纔十日駟馬橋頭春水生渡江相送荷主意  
過江不畱非我情鷓鴣輕筏下溪足鸚鵡小廳呼客名  
賴得鄆筒酒易醉夜深衝雨漢州城

明

下連山

楊慎

一辭青鎖直常望碧山阿卿雲樹中出京塵馬上多釣

漢州志

卷三十四

藝文詩

一

二百五十五

航依水竹精舍入煙蘿春色催歸興風光待嘯歌

寄漢州太守劉仲栗

自注云仲栗名琮吾師南峯侍郎之子

楊慎

南峯桃李徧峨岷白髮門生今幾人東閣郎君今健否  
何時同醉鴈橋春

送受菴周憲使

楊慎

天上文星作法星天涯重見眼偏青廿年客路身猶泛  
萬里囚山夢未醒卿彩慶霄明月共女懷江閣暮雲停  
迢迢寄信寒梅驛望望春回翠草庭

言將北上述志一首

王答蘇從仁  
子衡廷相

楊慎

我辭承明直矯志青雲端銷聲絕車馬臥疴對林巒甘  
此臬壤怡謝彼飈靄干晨夕詠鑿井春秋歌伐檀奔曦  
豈不疾國火改三鑽遊子戀所生不獲常懷安徽尚何  
足云弱質良獨難衡門坐成遠塵冠行復彈已負濩落  
性更從樗散官進阻巖廊議退抱江湖歎曠哉宇宙內  
吾道何盤桓

按簡西巒年譜先生此詩經廣漢作也

漢州入成都喜見平田有感

巡撫

喻

時光州人

漢州志

卷三十四

藝文詩

二

三百一十七

獨憐兩月走纔別萬山嵐高地疑燕北平田似汝南花  
穠丹霧隱松密翠雲合強半魚鳧業疲癯不忍談

元妙觀七星井

喻時

此井何年鑿遙遙列七星未探元妙處且向理中尋地  
脈通王氣天文屬井參英豪世代出試與問君平

講道亭懷建亭林公

喻時

漢郡趨庭日城隅論道同一時過化地千載仰遺風蘋  
藻畱亭色宮牆儼祀崇更思明德守重敞作人功

過漢州

巡撫

戴

金

漢陽人

翱翔曉出新都界淡薄晴雲護遠歧客路風光方入興  
農家生業正宜時開渠渡水隨高下騎馬看秧問早遲  
引領南郊民念重好將豐阜播丹墀

過雁江有感

僉事

楊

瞻

蒲州人

江岸人家傍水隈編茅結屋土爲臺隔牆翠竹迎春動  
間麥黃花徧地開野渡橫舟四五葉寒鴉繞樹兩三迴  
豐村幽隱遙如畫擬共幽人寄草萊

遊大梵寺

楊治

古刹樓高坐夕陰初更皎月吐雲岑中秋已過光仍在  
漢州志

卷三十四

藝文

詩

二

三百一十五

舊友同看酒漫斟影散松梢元鶴舞珠沈波底臥龍吟  
凭欄細聽霓裳曲不是人間鼓吹音

伴月亭

李春闈

愛月呼朋作伴行天光雲影共鮮明一輪玉色同心皎  
幾陣香風滿塵生未與嫦娥邀舊約且從詩客訂新盟  
渾身露液涼如許擬上銀河濯水清

送傑弟按黔

宋述祖

同堂踪跡異髻年况是行藏各一天歛段我甘隨下里  
□□爾自快登仙瘴消貴筑春明浦雪霽巴江水漫田

華髮不堪分袂別何時杯酒聚堂前

同袁宋蔡羣公遊寶曇寺

毛章

十年辜負同心樂今日重尋雁水遊芳草有情猶駐客  
好山無礙尚登樓風翻貝葉成輪相雨散曇花當酒籌  
欲向如來叩證果前身曾結虎溪幽

題炳靈行祠

周滿

仁祠雲構俯雙江千載香鐙鑠石霜青帝精霜開帳殿  
前星駐蹕起巖廊氣騰龍角橫三界燭胷蘭芽散九光  
晏罷歌鐘懽未極願隨擊壤頌君王

漢州志

卷三十四

藝文詩

四

三百二十〇

心印前無萬石君崇幽卜築更慇懃氣連莊壘棲眞地  
勢接山樓攬岫雲風裊爐香飄玉篆春回翠輦藹塵氛  
懸知功德千年後北海流芳迴不羣

和趙太洲遊塵堂寺

周滿

塵堂玉立翠蓉孤七聖誰傳御大夫郢調歌殘驚雪□  
點狂咏罷戀風雩登臺筆灑無雙士濟世才雄老一儒  
十九峯前幽勝處幾時謝業共跣趺

立盡巉巖路轉孤塵堂幽處可潛夫禪心妙寂空潭水  
客思風光寄舞雩不謂香臺傳大士猶高蓮社勝文儒

維摩亦是逃禪侶何處雲深好結趺

對月

彭一範

將心托月月華明萬里長空一色清皎皎有形還有影  
涓涓無臭復無聲盈虛到底爭圓缺顯晦何曾避送迎  
幾度偷光賡夜永不隨農圃訂嬰鳴

皇清

漢州

果親王

次律棲遲地君平賣卜州臺邊日自冽湖上景空幽雁  
驛巴童騎犀橋賈客舟岷峨山色近東井正當頭

漢州志

卷三十四

藝文詩

五

二百〇十八

連山鋪夜雨

自沔至此千餘里始盡少陵詩  
連山東南斷始見千里豁卽此

王壬正

阮亭  
新城

蜀雨常侵夜秋泥不肯晴幾聲街鼓寂四壁草蟲鳴山  
遠魂猶怯愁多夢易驚鹿頭關外路明日漢州城

題漢州驛壁

工士正

漢州城郭劫灰前房相西湖有斷烟試問臉波添幾許  
昨宵金雁驛中眠

漢州四湖

王士正

當年房次律此地鑿西湖百頃烟波渺中流島嶼孤琴

亭何寂寞片石亦榛蕪欲問邢和璞三生事有無詩破引琴

房瑄開元中嘗宰盧氏與道上邢和璞出遊過夏口入  
廢佛寺坐古松下和璞使鑿池得甕中所藏婁師德與  
因永禪師書謂瑄曰頗憶此耶瑄  
茫然而悟前生之為永禪師也

### 漢州紀夢

王士正

照壁孤檠不自聊隔牕寒雨打紅蕉驚回一枕鄉園夢  
身在西川金雁橋

贈漢州黃月輝月煒兄弟同任巴縣教諭訓導

四川學政 廖賡謨

肅肅衣冠數仞牆君家兄弟儼同行絃歌聲裏填箎協

漢州志

卷三十四

藝文 詩

六

三百五十二

華鄂樓前芹藻香士子楷模間季孟官階長幼欠低昂  
笑看苜蓿登盤美竝擁寒氊次第嘗

寄張子石臣

大理寺卿 周於禮 立厓

金雁橋頭候雁鄉芙蓉秋水淨林塘清含曉露滋仙珮  
氣吐烟霞入錦囊有句能懷杜陵老論才恰稱陸家庄  
請看宅畔千霄竹纔見新梢卽出牆

漢州

四川學政 吳省欽 冲之 南匯

霧樹接風苗鵝黃酒旆招人烟金雁驛祠火石犀橋野  
色濃於水春陰永似朝西湖裊屐地懷古劇迢遙

廳事房公石

張 珽

千秋一片石屹立訟庭前公自忘筌爾民猶墮淚焉勲  
名垂竹帛愷悌憶蒲鞭示我官箴切何須座右篇

房湖感興

張 珽

太尉琴聲絕

公以此好琴聞  
即以此被謫

臨池倍惘然蒹葭思渺渺枳

棘意懸懸調燮歸觴咏憂勞寄管絃當年風白地誰教  
息公肩

二程夫子講道臺

張 珽

講道臺荒何處尋先生遺蹟漢城陰主誠主敬開關閩

漢州志

卷三十四

藝文 詩

七

三百一十八

難弟難兄冠古今千里趨庭詩禮訓

二夫子隨侍  
父珣官漢州

微言

續脈聖賢心無窮景仰登臨際歸向衙齋讀四箴

壬戌五十初度漢署感懷

張 珽

五十年華一擲梭知非知命竟如何蓼莪永廢悲無極  
婚嫁頻仍累更多額入俸錢猶黍竊算來事業盡蹉跎  
念年許國毫無補滌水安容織釣簑

五十年華一擲梭不須回首歎蹉跎從來世事同蕉鹿  
自古光陰等逝波牕外花開須命酒林閒月上且高歌  
□今莫作無窮計白髮青山耶是多

癸亥元旦 廣漢官署

張 珽

歷盡金牛見蜀春  
慈劉應憶遠遊人  
惟期鳩杖時稱健  
莫厪蕭條許國身

東嶺朝曦破曙雲

東嶺卽連山

喜添清俸得微醺  
我酬家國

無長計把筆時書清慎勤

讓田

爲州民王榮耀題

張 珽

莫驚友讓出齊民  
若輩由來性最眞  
抱布貿絲緣底事  
燃萁煮豆更何人

續詠秋海棠四首

小序

徐德元

漢州志

卷三十四

藝文詩

八

三百零二

秋聲破夢飄蕭總是愁  
城花事關心婉麗何須  
香國窮乃工於賦物悲  
莫甚於生離贈遠有懷  
奈美人兮不見緣情託  
興亦勞者之自傷未盡  
幽思用賡前什凡茲同志  
幸惠新篇

何年擁髻對清光  
偶見前身未足傷  
曉鏡忽然舒笑靨  
鬢雲深怕染秋霜  
由來耐冷偏成性  
自小工愁別有腸  
漠漠輕陰人不見  
桂花巖畔是虛堂

淡暈輕脂嬾試裝  
半簾湘水卷空床  
年華似惜新婚別  
歲晚誰憐翠袖涼  
月寫花容猶太白  
風欺草色已先黃

玉關幾許悲歌客未抵蛾眉此恨長

百卉淒淒秋正當輕烟淡月照斜廊新詩錦濯劉三妹  
舊院花殘黃四娘幽夢回時驚蟋蟀疎籬織處點宵行  
畹蘭泣露江楓冷彼美何遲却信芳

臨砌空傳愛上皇數叢閒淡女蘿牆華清妃子平分色  
幽谷佳人與共香譜入小山添韻事浣來仙露出新妝  
日邊已是吟紅遍更遣遺珠蜀國量

夜坐述懷

曾先烈

西風簾幙擁輕寒  
枵觸無端乍倚欄  
俸薄每多隨手盡  
漢州志

卷三十四 藝文 詩 九 三百零四

獄成翻覺信心難  
劇憐道遠妨將父  
贏得虛名說耐官  
琴鶴隨身差不惡  
伐檀猶未置河干

送春

曾先烈

人生繁華場頗似春光好  
春夢苦難醒春歸已悄悄  
畱春春不住送春春先惱  
祇怪君歸比春遲莫道春歸別君早

畱別講道書院諸生四首

徐德山

吳下阿蒙子來遊  
竟六年光陰催白髮  
事業老青氎有筆空題柱  
無才效草元多慙  
人問字時餽杖頭錢

別院分司鐸文翁教獨先兼收稷下士共佐武城絃□鄰

邑從遊日衆丙午鄉試德陽侯宗秩得雋

夜火青藜映秋光白日懸孤牕憑

坐對縷縷颺茶烟

古雒人文藪盈盈甲第聯栽培欣得地功力敢貪天州肆

業生張溥丙午丁未聯捷欽點庶吉士

看試穿楊技深爲伏櫪憐雲程終

不遠努力豈無緣

函丈相依久言歸轉惘然百年斯了局萬里幸生還講道懷前哲談經讓後賢綠陰墻角滿應若夢魂牽

庚寅四月永寧山禱雨紀事

土 愷

漢州志

卷三十四

藝文 詩

十

三百七十三

燭龍吐焰南訛交羲車猛挾封姨颺登場麥隴半龜折  
桔槔莫救枯禾梢頗爲無眠憫農事望雲頻睇方山均  
万山巖壑鎮吾邑峯峯鬱律何顛顛奇鐘秀萃出林壑  
靈泉聖水中涵包何物神僧此卓錫鐵米篩制蛟宮蛟  
遂令萬斛玉沆瀣解渴但許甌噐捐坐視老農歎無策  
村村社鼓空搗抓我爲山靈乞民命蕭斧清肅齋廚肴  
揭虔嘑旦禮古井匪占用汲王明爻蝮蜒咒師繁露法  
蜿蜒縛取山岡茅之而鱗甲儼飛動迎賽不藉鳴笙篴  
維山有神若響應微雲倏忽揚旌旃少焉鬣鬣蒼蓬勃

濃遮南北東西郊摩醯首羅癡欲睡阿香列缺施鞭敲  
靈霽碑磕屏翳集霹靂怒吼驚如虓電光千丈激潭水  
倒傾江海翻天匏銀鬢一滴一尺雨一雨三日聲訇摩  
颺收霆罷雨未止沈沈膏漆如投膠滲灘汛灑浸泔淡  
秧田到處浮漚泡固知天心極仁愛甘霖溥被無肥磽  
插禾布穀催曉出長鋤圓笠騰懽叟我來剛值初霽後  
平疇撲鹿鷗鳧井甃生寒波更碧村烟刷翠連砂磬  
奔流懸厓拖素練參差石髮低垂髻紫雲阜雲新出沐  
突兀拱立青雲巢綠章稽首當報謝井華一勺盛尊庖  
漢州志

卷三十四

藝文 詩

十一

三百五十八

福我民兮佑農畝佇聽嘉種歌方苞詩成遙盼九峯頂  
輕陰靄靄風嚶嚶

題趙母王孺人節孝

朱雲煥 霞堂

姜舟柏汛誠班姑完璧連城出女儒白雪黃金堂北樹  
紅冰碧血斗南珠風山節漸歸王母天水孚屯撫趙孤  
七品宮衣花五朵清標彤史耀鵞湖

宋老人種花歌

李調元 雨村 綿州

宋老人年七十五抱瓶矻矻自澆圃素髮飄蕭百事忘  
□祇貯羣芳譜問君底事老貪花爲言作此遣年華

同指房湖好風月數椽茆屋是吾家花不由天由我主  
不許趨時要趨古六銖衣倩月娥裁五色石遣媧皇補  
蟠屈□瓏隨手成龍拏鳳翥蛟螭爭君看白摧黑入處  
却有花枝背後橫每屆春秋二分日老夫杜門不出室  
可憐花犯驛馬星東移西栽不得佚聞君此言爲悄然  
家有醒園未得還松菊無存垣就毀看翁真是地行仙  
老人愛花兼愛客醉飲一斗復一石他口峩睂歸去來  
重訪誅茅宋玉宅

八月中秋同人讌集雲谷借樹軒分韻得相字

漢州志

卷三十四

藝文 詩

十二

三百五十九

李調元

今夕置酒樂未央自有此月無此光對月當歌歌慨慷  
滿堂聽我聲洋洋我歌乃在岷山之麓廣漢之陽沱江  
東下千里百里欲入海至此迴瀾有似臨崖勒住奔馬  
韁沈犀滲漉毓清氣豐城劍冲牛斗窈天遣下視何吉  
祥中有一人其姓張手織雲錦分天章鮫梭劄劄皆鸞  
凰二十八宿驚避藏不敢報天聽其狂遂使縱橫詢墨  
場邇來更覺鋒增鋸雲霞五色金玉相當其冥心造化  
忙下筆直倒三峽江翻濤攪浪不肯住竟欲手摘龍耳

剗鼇腹拔鯨尾以與光燄萬丈之李杜爭豪強海驪不  
復抱珠睡老蚌含胎空喻張故令今夜月倍皎恐君與  
月爭寒芒斗轉河漢雲茫茫君當膏車歸大梁明年此  
月知何常青天雁字遙相望對月當歌歌慨慷

君平卜卦臺

李調元

君平有遺跡乃在雒城隈不見支機石空畱卜卦臺  
斷碣卧蘆荻小廟沒蒿萊自料升沈定先生不用猜

開元寺贈慧眼長老

李調元

看山看水何時了奔北奔南苦不休却冒雨風尋慧眼

漢州志

卷三十四

藝文 詩

十三

二百九十九

自憐霜雪半盈頭一牕桂影新畱月滿院松聲正送秋  
記取去年曾到此開元讀遍藏經樓

金雁橋

沈聯芳

雒城秋色老蒹葭不見橋東賣卜家落日青帘林外路  
隔隄開遍野棉花

萬人墳

張奇瑞

草殺輪川北流氛毒石亭萬人殲此地九廟哭無靈誰  
遣狼烟入空令雁水腥至今埋骨處風雨晝冥冥

白魚橋

程若楷

促軫亭邊路長橋跨水瀆驛通□□迴源自洛江分漢  
□青疇接沿途綠樹紛星軺天外至冠蓋擁如雲

灩澦堆

吳翼基

峽口有橫石屹然千古尊奔流攢馬鬣削壁墜雲根上  
下千帆動升沈一水昏萬年明德遠畱此鎮乾坤

舟中雜咏

吳翼基

秋江兩岸蓼花紛雨雨風風散午蒸多少好山看不見  
相遮還是此山雲

金華詩錄書後

黃彬

漢州志

卷三十四

藝文 詩

十四

三百三十八

帶郭環山古婺州迢迢星野接牽牛芙蓉嵐秀藏仙洞  
風月輝清抱沈樓賸有詩篇傳八詠更多帆席下雙流  
成公去後何王繼恰喜儒林健筆畱

上洪驛路每停車雲物暉暉靜拂裾澱水蘭山都好在  
藥坪書卷記相於敬鄉舊錄聞風久雅調新編入覽初  
髣髴文安高詠處石泉漱玉響清渠

謂金山先生

郡城古越統東陽析縣沿名紀一方雲起華峯曾講學

煙霏石洞尚貽芳

八華山許白雲先生講學處石洞

淙

淙落澗飛虹起裊裊垂藤帶雨長一種詩情閒處好至

今東白擅吟場

善俗當年誌感烏才名臨海接楊盧

金華詩人起於駱丞

承家孝

義忠無愧弋志風騷定不殊月嶺雲沈涵異彩繡川雨  
霽擷清腴更傳忠簡忠文句萬古綱常筆方扶

閒從石室啟雲函鬣鬣松多看鶴銜釣隱詩成聞鐵篴  
謫仙吟穩駕風帆樹排遠勢陰還密泉奏清音響未緘  
詩卷長畱生氣在不徒靈顯說方巖

山樓傳有講堂山又記明招相竝閒佳士得師宗派正  
歸人拜母綵衣斑風流尚覺清芬襲草樹仍看秀色環

漢州志

卷三十四

藝文詩

十五

三百四十〇

把讀遺詩重引領高雲杳杳水潺潺

浦陽江是古三江一綫通潮好采苳風雨吟高餘簡帙  
月泉社古樹麾幢山經烏蜀題筠管屋傍青蘿剩蘚缸  
今日傳人更何在嵐陰遙望讀書缸

慶雲鄉外數星郵又見溪紋結細流一道泉飛蓮九瓣  
千年峯卓雁三秋草堂幽絕吟詩地碧澗清深拾翠洲  
記得珠湖傳好句竹床高枕對閒鷗

高氏館示諸生二首

張越

江村六七里卽□高氏庄中隔白魚水衡宇遙相望□

中總角輩侍立儼成行植基期勿□視履必端詳經世  
日討論原不爲詞章譬彼荆山玉不琢光不揚又如豫  
章木十年乃蕃昌君子慎所習努力須自強

和平以養氣寧靜以養神忠厚葆根基枝葉倍繁蓁人  
生受性始二五氣含醇主靜以立極克復乃歸仁倘能  
造共至參贊彰經綸卽或有未至寡過亦足珍不可半  
途廢毋庸躐等臻處虔功不息庶幾德日新

秋日過金雁橋

李其昌敬伯成都

城北經過客思遙沱江猶自鎖重譙晴空一望蘆花影

漢州志

卷三十四

藝文詩

十六

三百〇八五

寒鳥斜飛度石橋

漢州道上聞蟬

儲麟趾梅夫

金雁橋邊枕曲流幽篁千畝碧烟稠巴西候比秦中早

一路蟬聲過漢州

夏日湖山小隱

王珏

水面虛堂六月寒牽風苕帶裊漁竿筵前白雪琴中聽  
屏上青山鏡裏看木葉有聲秋氣早燈花無影夕陽殘  
巖廊若比雲泉好神武當年不掛冠

蜀道圖

張仁壽

險絕古蠶叢天梯一綫通  
鵲啼江樹外猿嘯峽雲中  
花日琴臺麗關山劍閣雄  
何當臨九坂叱馭遠乘風

丙申中秋借樹軒分韻得及字

李天英 桂 □

雲谷嬋羣雅掃除俗吏習  
所至如春風和氣滿裙褶  
前年宰襄城去歲遷蓼邑  
安靜去煩苛姦豪自斂戢  
大吏臚治狀薦章九重入  
篋車趨京師老僕荷藤笈  
琉璃廠東西處處畱履屨  
東家買圖史西家買字帖  
賞心此共最餘事非所急  
我聞判事下風流匹錢勰  
搜羅前輩詩一編手親輯  
郵書屬雨村後訂維桑集  
殘編及斷句

漢州志

卷三十四

藝文 詩

十七

三百八十五

有如碎金拾孤燈翦夜雨  
披剔充行篋與子別十年  
見我下車揖寒溫敘未終  
索我舊吟什我本不工詩  
况乃枯腸澁譬彼咬菜根  
淡薄少濃汁雜之玉饌中  
風味苦不洽維時開芳筵  
月滿露華濕滄酒折泥壘  
轟飲長鯨吸酒狂忽分韻  
已有片紙及搖筆欲爭奇  
馬首不可繫君歸似細侯  
我行似趙壹出處兩殊途  
明德各自立

丙申中秋借樹軒分韻得見字

王汝嘉 上 銅 梁 □

秋雲渺無垠庭月淨如練  
緬懷素心人彳亍新涼院  
契濶苟木疎桑梓日益綣  
良夜結古歡卽事多可戀  
張 □

出塵姿舉舉吾鄉彥符分角亢墟花滿東南縣守清道  
自腴氣足才寧銜豈弟與人歌循卓太吏薦奚囊富千  
篇行騰羅萬卷飛鳥來 春明盍簪盛文讌千載夙好  
敦邂逅今既見所貴相知心寧失本來面近局迭倡酬  
題襟盡狂狷珠浦光爭投寶山目爲眩走也執鞭弭操  
觚事壇坫夔蚘影相憐曹鄴風斯變藉以滌塵囂而亦  
起庸懦觴政勿嫌奇諧語誰云謾詰屈舌猶存縱橫拇  
能戰天涯快合并流光疾於箭勿惜金粟殘及此黃花  
殿傾倒將離杯珍重臨歧餞明朝理歸裝日極天一綫

漢州志

卷三十四

藝文 詩

十八

三百五十六

高寒厲征鴻別緒不可綰行看北飛魚好音竚郵傳

和學博俊棠先生舊園會飲感懷原韻二首

張趨

兔絲久願附蓬麻此日欣逢化雨加意趣橫生饒古趣  
心花勃發似春花金聲響振行雲遏玉管輝騰碧漢斜  
今夕莫嗟官獨冷文過屈宋燦雲霞

延年休說服胡麻一徑園林趣更加江岸追隨偕舊雨  
亭前婀娜見時花紛紛坐客千林少袞袞諸公兩鬢斜  
却喜忘形到爾汝拚將竹葉醉流霞

和童二樹甘棠篇元韻

張邦伸

我初入洛無桓鬚栽花欲種桃千株浮沈十稔百不就  
頭顱空被風霜濡寬猛未能師子產哀矜詎忍違陽處  
牧馬襄山迷七聖鳴絃仙市懷二蘇固始蘇仙市有蘇耽蘇飛遺跡甘  
棠成蔭復何有自問往往慙其居先生愛我謬見許  
□ 我事與前賢俱翦拜豔稱南國頌教化競比文翁呼新  
詩脫手傳萬口一日名滿東西都差余迂拙已成癖磨  
牛陳跡無改圖聞言再拜益滋愧敢以無實邀聲虛蜀  
江有水清不汙蜀山有田腴不枯行當投劾事耕釣□

漢州志

卷三十四

藝文 詩

十九

二百七□

迹不受窈人誣努力崇德期皓首臨風聊以明區區

戲答蔣稚子送花

張邦伸

茂叔性愛蓮淵明性愛菊落落兩高人氣與花同馥羨  
君遶宅惟栽花攢香接玉抽雲芽春風秋月陪花坐花  
睡還邀羯鼓過邇來花好人愈好爛熳紅霞映書草惟  
有點金藥不靈無力澆花被花惱昨朝送我花兩盆桃  
開筴竹對蘭蓀自言終日飽食粥嚼花祇恐傷吟魂我  
聞此語百憂集花如解語花應泣餐霞久已斷香羹脫  
□ 有人輸玉粒可憐朝夕爲花忙枯坐往往憐□□□

□欲作□□□花英未許充餽糧嗟子種秫犀江側河  
陽夢斷年□怠臥聞老友瓶粟空補救無能心自惻遣  
奴爲致□□杭花鬚伴煑堪療生倘君欲覓長生訣人  
間煙火遠須絕

過姜孝子詩故里

張邦伸

人生重本根至孝動天地菽水期承歡詎以三公易卓  
哉姜士遊允無忝所事閨中有賢婦尤善承親志雞鳴  
汲流泉辛勤靡不至中忽遭責譴忍痛百憂積紡績市  
珍羞鄰母招共食以此格慈親嘉氣鍾祥異雙鯉出重  
淵赤睂斂兵避至今丙舍窈江水流清泌嗟予亦人子  
內顧心如刺悲風起白楊萬古愁雲闕

丙申中秋讌集卽送雲谷二兄旋任固陵

唐樂宇 堯春  
綿竹

曾向天涯聚弟昆相思相隔幾朝昏每尋舊雨迷踪跡  
喜接清光載笑言芟冷寒塘秋竟老人添別緒酒初溫  
殷勤莫負今宵意木葉聲乾欲打門  
須憐眼底知交少况復當頭月正圓幾曲清歌飛曰□  
一聲歸雁掠青天醉香是處能容膝旅次無情且拍□

坐對更深共惆悵征軺明發路綿綿

回首關河影漸迷  
旗亭分手惜招攜  
暫從泥雪畱鴻爪  
又逐雲花散馬蹄  
燕市人歸秋夢遠  
固陵客思晚山低  
薊門楊柳牽離緒  
吟望蒼茫日已西

思君後日知何處  
鹿麈中改歲華新  
附婚姻諧舊約  
竚看兒女各成家  
千秋事業書圍座  
十載風流縣滿花  
好是來蘇霖雨通  
錦江還上釣魚槎

中秋後二日雲谷年丈將旋固始招飲寓齋出畱

別詩卽次原韻二首

蔡曾源 呂橋崇寧

漢州志

卷三十四

藝文

詩二十一

三百四十八

數聲風笛幾曾休  
仙吏翩翩足宦遊  
飛舄入朝雲滿袖  
舉杯呼飲月當樓  
十年再上黃河渡  
匹馬纔經紫塞秋  
應憶米家船載得  
爲耽書畫且淹畱

先生行篋中購求古人書畫甚夥

吟懷嘯傲壓滄洲

先生熱河紀行詩數十章皆卓然可誦爲人推服

絃管推開

過客愁花滿固陵  
千里外月明燕市  
六街頭雲移綵仗  
騰霄漢風送驪歌  
雜曉籌何日大梁  
重訪舊不勝鄉思  
話西州

種菊

黃景

爲誰管領秋風事  
嬾向籬邊種菊花  
待到重陽方許就

主東又是別人家

寄懷同年張七石臣

何明禮

希顏  
崇慶

無緣富貴復何疑命也天乎一聽之蟻爲泥深頻覓穴  
鳩緣性拙又遷枝三條短蝎同燒夜半醜浮蛆獨酌時  
槐舍風清天漸冷長逢涼月寄遙思

贈同事王五來臬

黃今偉

百年三萬六千日世上誰人閱一週君過古稀塵甲子  
我纔鄉杖老春秋何庸俗慮多牽罣祇合清樽共拍浮  
鼠臂蟲肝滄海粟分隨天地共悠悠

漢州志

卷三十四

藝文

詩

二十二

二百一十一

過漢州房公西湖

李元奮

立夫  
雲夢

欲尋古蹟半榛蕪金雁橋邊落野鳧踏馬平田一百頃  
不知身已過西湖

得舍弟榆林書因寄

陳惟謙

硯北

折柳燕臺慘別顏書來不報幾時還邊城月落心俱遠  
海國霜繁鬢欲班往事應憐慚白社

用董威  
輦事

明年好約

守風黃花洲迴寄舍弟

陳惟謙

征帆渺渺思依依回首晴川雲樹微何處春風人自醉

□天寒雪雁孤飛笛殘江上梅初落事滿江頭夢亦□  
往日清狂問釣艇房湖煙月素心違

宿山中人家

陳惟謙

欹厂三閒屋亂峯爲四鄰宿雲堆嶺暗高樹壓溪湮白  
日猿窺戶黃昏虎狎人如何頻駐足疑是夙生因

劍門新雁

陳惟謙

秦嶺秋風我自去劍門朝雨爾初來去來兩下同爲客  
遲爾歸期第幾回

金雁橋紀成

張仁同 希文

漢州志

卷三十四

藝文

詩二十三

二百一十八

橋橫金雁渡勝蹟較鮮明亭聳排雲陣江流出塞聲望  
樓驚旅客倚岸想鴻程幾認衡陽路恍聞月下鳴澄波  
看底柱寶塔竚題名自此瀛洲近魚龍躍雒城

和順橋紀成贈張氏昆仲

張仁同

壯哉義俠超羣類鄙吝消除絕少隊爲較象齒焚身儔  
心田廣種高百倍君不見乘輿有濟且標名於今史冊  
傳其惠又不見靈椿培積五桂榮竇氏善行表家瑞况  
以巨善甲三巴寧不川嶽精靈萃君爲舉墜修廢人揮  
數萬金等輕塵橋題和順垂昆季頌來

□□日邊新河之瀾江之水君之善量與爲準波流□  
□幾千秋偉績芳名同彪炳

漢州公署二十詠

蔡學海靜甫  
吳縣

余旣葺二堂東之有嘉樹軒爲文記之復於軒  
前構補竹亭亭東西構拜石龕槐根小築軒後  
舊室若松石間若芙蕖唵榭若求放心居軒西  
若小如舟若蕭爽福地悉重葺加榜書焉州當  
孔道上官僚友之來往無日無之驛館不能容  
則分駐之州署因陋就簡思其取尤乃築賓館

漢州志

卷三十四

藝文

詩二十四

於二堂西爲喜聞過齋運甓亭懷清館耐煩室  
禮皇華接賓客而外則扃鍵之他如二堂東偏  
之磨兜堅西偏之再思公退所也霞舉軒在署  
東北寒香塢在西北幕友居也二堂曰誠求堂  
三堂曰澄源堂四堂曰頤性養壽之堂皆舊室  
而加重葺榜書者也葺旣竣爲圖而系以詩見  
命名之義云爾時道光癸巳冬至後十日

誠求堂

明明上天蠕蠕赤子厥心旣單厥政斯美痾瘵乃身勒

求在是靈臺之宮鬼神所通維父母者升茲堂中焚香  
告天吾爲而翁

澄源堂

如彼阿井膠澄此黃河濁紛紛訝誤投吏俗不可藥敬  
者簡之源清比纓斯濯何以能云然仕而優則學

頤性養壽之堂

願祝恆春樹年年笑口開

時嚴慈迎  
養在署

老人星自見元化

術應該繞砌鳩窺杖繙經麝落煤 君羹停午熟默

領衆孫來

漢州志

卷三十四

藝文

詩二十五

求放心居

爲謀一息閒天外飄飄去爲牽一線欲九地不知處天  
地本自寬理欲隘其路雞犬放無時亡羊補何暮合掌  
慰維摩指我菩提樹瑩然一箇心請回腔子住

芙蕖唵榭

臣心如水清愛此田田葉碧檻倚方池頗容數詩客涼  
颺八面通秋月一層貼民醇謀訴希坐對生怡悅天然  
句忽成朱華一齊擘

松石間

囊琴松石間謾謾天風起所思人不來雲端孤鶴語

### 有嘉樹軒

中庭蘭芷生下有高槐樹初日媚東軒乳鴉喧不住疎  
蟬響晚風飛鳥啣朝露樹木樹人心卽此知其故夜涼  
撲檻來脫巾時信步肇錫此嘉名我懷奚所慕

### 槐根小築

一室大如斗依彼槐之根公退偶然坐烏皮作鴟蹲細  
雨苔逕活微風蕉葉翻歡言置文酒呼朋理琴樽彭宣  
足門子惠連多季昆座客不能容分之嘉樹軒

漢州志

卷三十四

藝文

詩

二十六

### 補竹亭

房公彈琴處舊跡祇依稀

房公舊竹亭彈琴處也遺址無存余爲補之

風篠

靜愔愔如聞元鶴歸况我思古人頎然在金徽平泉石  
空憶謝眺礮誰依靈光如可存小補願莫違雖無老成  
人茲亭其庶幾

### 拜石龕

吾友真不俗位置殊失策古貌竝古心壁間應蹙額

房公

立石不詳其處後人嵌之謂石爾胡然吾眼另具隻竹

二堂壁中余移補竹亭側亭舊作隣亭邊新築宅遂汝幽僻心高汝嶙嶒格縱有

俗客來不得窺蹤跡我是米家顛拜君宜得得

小如舟

游行我亦似虛舟更坐吳篷泛酒甌往日攜來伴琴鶴  
閒庭飛起學沙鷗

蕭爽福地

洞天有福地深邃渺難猜何如此佳境眼界豁然開萬  
象忽俱空証之玉鏡臺

喜聞過齋

仲由喜聞過令名無窮焉肯以無心失致成有意愆欲

漢州志

卷三十四

藝文

詩二十七

寡且未能憚改何爲然披雲來白日撥霧見青天願言  
葆夙夜黽勉式前賢

運甓亭

好逸有同心習勞誰則願請視運甓人一刻不敢倦

懷清館

素志何嘗染一塵江風山月靜依人本來面目分明在  
一任捫心向鬼神

耐煩室

我聞前哲言耐煩貴先學爲恐躁氣乘致使清明□□

意爲祛除大夢其先覺

磨兜堅

蟻孔隕河溜沈傾山樞機之發榮辱所關繫晉太康掘石非頑彼美誰氏銘背班班金人不遠試立之閑

再思

惟茲一片心投以百般事一事不經心後悔將無地三則私意起未免亂人意準之以再思庶幾無失墜

霞舉軒

玉潤朝霞滿東方第一天昂頭天外看入座錦屏鮮

漢州志

卷三十四

藝文

詩二十八

寒香塢

靜愛寒香上鼻端庭中應作貴人看與卿俱是江南客

放翁句

伴我何妨共歲寒

漢州志卷三十四終